

بِسْمِ اللَّهِ الرَّحْمَنِ الرَّحِيمِ

KHUTBA JUMMAH

HAZRAT MUHYI-UD-DIN AL-KHALIFATULLAH
Munir Ahmad Azim

23 Octobre 2015 ~
(09 Muharram 1437 Hijri)

DANS COMORES

(Résumé Khutba)

Après ki li fine salué tous so bane disciples – spécialement nous bane frères et sœurs Comoriens (et tous bane musulmans) entier le monde avec la salutation de paix dans l’Islam, Hadhrat Muhyi-ud-Din (atba) fine lire Tashahhud, Ta’uz, Surah Al Fatiha, et li fine cause lors « L’Attestation : ‘Péna aucaine les autres bondiés aparte Allah’ (Laa-Ilaaha Illallah)»:

لَا إِلَهَ إِلَّا اللَّهُ

Laa-Ilaaha Illallah – Péna aucaine les autres bondiés aparte Allah. Sa attestation de la foi là inclure deux piliers.

- Le premier : « **Péna aucaine les autres bondiés** » kot nous nier ki vrai divinité (le droit d’adoration) appartenir à ene l’autre ki Allah.
- Le deuxième : Nous affirmer que le droit d’adoration appartenir à Allah tousél – nous l’adoration li bizin réserver à Allah tousél.

Allah (swt) dire :

« Et kan Ibrahim fine dire à so papa et à so peuple : « **Mo rénier complètement tout saki zot adorer.** » (Az-Zukhruf 43: 27).

Li pas suffit ki nous adore Allah, mais bizin ki nous réserve sa l'adoration pour Li tousél. L'unicité (*Tawheed*) li pou vine valable seulement si nous proclame ki Allah Li unique et en même temps nous rénier l'idolâtrie dans tous so formes, ainsi ki so bane suivants.

Fine rapporté ki « *La clé du paradis* » c'est : « *Péna aucaine les autres bondiés aparte Allah.* » Toutefois, eski tous bane dimounes ki prononce sa mérite ki bane la portes du paradis ouvert pou zot ? Eski sa attestation (de la foi) « *Péna aucaine les autres bondiés aparte Allah* » pas la clé du paradis ? Sa c'est définitivement le cas, mais sak la clé ena bane les dents. Donc, si ou apporte ene la clé ki ena bane les dents (bane les dents ki approprié pou sa la porte là), alors la porte là pou ouvert pou ou, au cas contraire, li pas pou ouvert pou ou.

Fine rapporté ki le Saint Prophète (saws) dans plusieurs Hadiths fine définir sa ki été sa bane les dents de sa la clé là. Pareil couma le Saint Prophète (saws) fine dire:

« Celui ki dire « *Péna aucaine les autres bondiés aparte Allah* » avec « **sincérité** » ... ou « **en ayant sa conviction là dans so lé cœur** »... ou « **kan li dire sa vraiment du profond de so lé cœur** » etc. Sa bane Hadiths là et bane les autres encore fine fixé comme condition d'entrée dans paradis, la connaissance du sens de « *Péna aucaine les autres bondiés aparte Allah* »; cé ki montré ki nous bizin toujours reste constant dans sa parole (sa affirmation de la foi là) ziska nous la mort. Et ena bane les autres Hadiths ki prouvé ki nous bizin soumettre aussi à tous bane sens ki li (c'est-à-dire, le Shahada : *Laa-Ilaha Illallah*) renfermer. De l'ensemble de bane preuves, bane savants (de l'islam) fine déduire bane conditions ki bane dimounes bizin absolument remplie en l'absence de bane difficultés ki empêche sa dimoune là pou mette sa (bane conditions là) en pratique, afin ki l'expression « *Péna aucaine les autres bondiés aparte Allah* » vine vraiment la clé du paradis (pou sa dimoune là).

Bane conditions suivants zot bane les dents de sa la clé là:

(1) La connaissance (*Ilm*): Ene telle connaissance ki oppose li à l'ignorance.

(2) La certitude (*Yaqeen*): C'est-à-dire, ki ena dimoune bizin ena ferme conviction de la signification de sa l'expression là parski sa attestation de la foi là pas tolère aucaine doute, ni aucaine hésitation, ni aucaine incertitude ; au contraire faudé ki zot ena ene conviction, ene la foi ferme.

(3) L'acceptation (*Qabool*): Kan ou fine prend connaissance avec ene conviction ferme, alors sa connaissance véritable là (sans aucaine doute là) bizin faire so bane l'effets, par l'acceptation de saki sa expression là impliqué, par le cœur et la langue.

(4) La soumission (*Inqiyaad*) parfait à l'unicité d'Allah: Sa soumission là li le vrai fondation et mise en pratique apparente de la foi. Sa pou concrétiser en mettant en pratique saki Allah (swt) fine ordonné et en abandonnant saki Li fine interdit.

(5) La véracité (*Sidq*) : En prononçant l'attestation (de la foi), avec ene véracité ki exclure kit mensonge, parski celui ki prononce sa seulement avec so la langue tandis ki so lé cœur renié sa, li ene hypocrite. Allah (swt) dire au sujet de bane hypocrites : « **Zot dire avec zot la langues saki pas ena dans zot lécœurs.** » (Al-Fath 48: 12).

(6) L'amour (*Mohabbah*): Li bizin donne priorité à saki Allah content, même si sa li contraire à so bane passions, kot li allier li à bane ki allier zot à Allah et à So messenger, et li développe ene répugnance pour bane ennemis d'Allah et de So messenger.

(7) La sincérité (*Ikhlâas*) : Hazrat Muhammad (saws) fine dire : « *En vérité Allah fine interdit l'enfer à celui ki dire : « **Péna aucaine les autres bondiés ki digne d'adoration aparte Allah** », kot li (sa dimoune là) désire seulement trouve le visage d'Allah.* » (Bukhari).

Ki Allah gagne pitié de zot et combler zot avec So bane bienfaits, et ki avec ene conviction ferme zot bâtir ene la foi solide en zot for intérieur pour refléter le **Sahih al Islam**, ki li dans zot lé cœur, et dans zot bane actions pour consolide la société islamique ki vine agréable à Allah en tout point. *Ameen.*